

U skladu sa članom 27. stav 1. Zakona o Fondu za zaštitu okoliša Federacije Bosne i Hercegovine („Službene novine Federacije BiH“, br. 33/03), članom 20. Statuta Fonda za zaštitu okoliša Federacije Bosne i Hercegovine („Službene novine Federacije BiH“, br. 33/06, 1/15, 62/19, 90/25 i 24/26), članom 11. Pravilnika o postupku objavljivanja Javnog poziva i o odlučivanju o odabiru korisnika sredstava Fonda za zaštitu okoliša Federacije Bosne i Hercegovine („Službene novine Federacije BiH“, br. 43/26), te na osnovu Odluke o dodjeli sredstava Upravnog odbora Fonda za zaštitu okoliša Federacije Bosne i Hercegovine broj: UO-01-3-34-32-4/2026 od 10.09.2026.godine i Odluke o dopuni Odluke broj: UO-01-3-35-33-1/2026 od 15.09.2026.godine povodom Javnog poziva za dodjelu sredstava za provođenje mjera energijske efikasnosti u stambenim objektima za 2026. godinu - JP EE SS 2026, koji je objavljen u „Službenim novinama Federacije BiH“, broj 73/26 od 16.09.2026. godine, zaključuje se

**Ugovor o sufinansiranju
provođenja mjera energijske efikasnosti po JP EE SS 2026**

Zaključen dana: ____ . ____ . ____ . godine, u Sarajevu

Ugovorne strane:

1. Fond za zaštitu okoliša Federacije BiH, ul. Hamdije Čemerlića br. 39a, 71000 Sarajevo, zastupan po: Slađan Bevanda, direktor (u daljem tekstu: Fond) (ID broj: 4201117120007)

i

2. _____, (ime i prezime), ul. _____
(adresa prebivališta) _____, (poštanski broj, općina/grad) (u daljem tekstu: Korisnik) (Redni broj prijave: _____).

I - PREDMET UGOVORA

Član 1.

Ovim Ugovorom Fond odobrava finansijska sredstava Korisniku u skladu sa namjenama utvrđenim Finansijskim planom Fonda za zaštitu okoliša Federacije Bosne i Hercegovine za 2026. godine („Službene novine Federacije BiH“, br. 07/26) i u skladu sa Javnim pozivom za dodjelu sredstava za provođenje mjera energijske efikasnosti u stambenim objektima za 2026. godinu – JP EE SS 2026 (u daljem tekstu: Javni poziv).

Predmet ovog Ugovora je dodjela finansijskih sredstava u svrhu sufinansiranja provođenja mjera energijske efikasnosti na objektu _____ (vrsta stambenog objekta), na adresi _____ (adresa objekta), _____ (poštanski broj, općina/grad).

Ovim Ugovorom Fond odobrava finansijska sredstava Korisniku za provođenje mjera povećanja energijske efikasnosti koje se po ovom Ugovoru provode na predmetnom objektu, i to:

- a) _____ (mjera koja je predmet prijave);
- b) _____ (mjera koja je predmet prijave“);

Član 2.

U realizaciji mjera iz člana 1. stav 3., Fond finansijski učestvuje do 50% od ukupnog iznosa realizovanih mjera, ali ne više od _____ KM (slovima: _____ konvertibilnih maraka), uključujući PDV.

Preostali iznos, do zatvaranja finansijske konstrukcije, a minimalno 50% snosi Korisnik.

Troškovi projekta uključuju iznose PDV-a.

II - PRAVA I OBAVEZE

Član 3.

Korisnik će sredstva koristiti isključivo u svrhu navedenu u članu 1. stav 3. ovog Ugovora u skladu sa prijavom Korisnika na Javni poziv, te je dužan opravdati utrošak ukupnih sredstava predviđenih za realizaciju mjera, kako vlastitih tako i sredstava Fonda.

Član 4.

Korisnik je dužan realizovati mjere iz člana 1. stav 3. ovog Ugovora i dostaviti Zahtjev za isplatu sredstava najkasnije 30 dana prije isteka roka važenja Ugovora.

Zahtjev za isplatu sredstava Korisnik podnosi Fondu nakon realizacije mjera iz člana 1. stav 3. ovog Ugovora, učitavajući dokumentaciju putem platforme za e-prijavu, kojom dokazuje realizaciju sufinansiranih mjera, i to:

- Fakturu/e sa fiskalnim računom/ima izvođača radova/dobavljača opreme s detaljnim troškovnikom, sa jasno naznačenim količinama, jediničnim i ukupnim cijenama i specifikacijom svih materijala/opreme i radova za mjere na koje se odnosi Ugovor, a kojima se svjedoči ispunjavanje traženih tehničkih uslova. Ukoliko je u pitanju nabavka opreme, dostavlja se i garantni list i Potvrda o puštanju sistema u rad.
- Fotodokumentaciju objekta/sistema nakon realizacije mjera, kojom se dokazuje novo stanje objekta/sistema.

Nakon elektronskog podnošenja Zahtjeva za isplatu sredstava, Korisnik će na e-mail zaprimiti svoj popunjeni obrazac Zahtjeva, koji je potrebno potpisati, u dva primjerka, dostaviti putem pošte ili lično na adresu:

- Fond za zaštitu okoliša Federacije BiH, ul. Hamdije Čemerlića br. 39a, 71 000 Sarajevo

Nakon zaprimanja Zahtjeva, Fond će izvršiti pregled i provjeru u odnosu na uslove iz Javnog poziva i ovog Ugovora, te utvrditi da li se Zahtjev za isplatu sredstava prihvata, odbija ili je potrebna dopuna. U slučaju potrebe za dopunom/korekcijom Fond će informisati Korisnika o vrsti dopune/korekcije i roku za njeno izvršenje. U tom slučaju, Korisnik je dužan dostaviti traženo u utvrđenom roku, u protivnom Fond će odbiti Zahtjev. Po kompletiranju i prihvatanju dostavljene dokumentacije, Fond može putem predstavnika izvršiti terenski obilazak u cilju utvrđivanja ispunjenja ugovornih obaveza.

Po prihvatanju dostavljene dokumentacije i provjere na terenu, Fond će Korisniku isplatiti sredstva jednokratno, u roku od 30 dana od zaprimanja potpune dokumentacije za isplatu.

Član 5.

Sredstva će biti isplaćena na račun Korisnika broj:

otvoren kod (naziv banke).

Član 6.

Korisnik je dužan sredstva utrošiti namjenski u skladu sa članom 1. stav 3. ovog Ugovora.

Korisnik je dužan na zahtjev Fonda omogućiti neposredan uvid u korištenje dodijeljenih finansijskih sredstava i dostaviti sve podatke koje se odnose na namjensko korištenje.

Član 7.

Fond može provjeru namjenskog korištenja sredstava, vršiti na neposredan način u svakom trenutku i to putem ovlaštenih radnika Fonda i/ili drugih lica koje ovlasti Fond u periodu od tri (3) godine od dana podnošenja Zahtjeva za isplatu sredstava.

Član 8.

Korisnik je dužan ovlaštenom licu koje obavlja neposredan uvid u realizaciju mjera koje se odnose na korištenje sredstava, omogućiti obavljanje nadzora, te obezbijediti mu pristup svim podacima i dokumentaciji.

Član 9.

Korisnik je, također, dužan da bez odlaganja, a najkasnije u roku od sedam (7) dana od dana nastupanja dole navedenih stanja ili smetnji kod realizacije mjera pismeno obavijesti Fond o svim bitnim pitanjima koja utiču na realizaciju mjera, a posebno o:

- promjenama građanskog statusa Korisnika;
- imovinskim ili poreznim promjenama vezanih za Korisnika;
- nemogućnosti Korisnika da izvrši Ugovorom preuzete obaveze;
- nastupanju okolnosti koje se nisu mogle predvidjeti u vrijeme zaključivanja ovog Ugovora, a koje bitno utiču na organizacioni, tehnički ili finansijski dio provedbe mjera;
- odstupanju od plana realizacije mjera i razlozima za odstupanje;
- drugim situacijama i okolnostima koje bitno utiču na realizaciju Ugovora.

U slučaju da Fond dobije obavještenje iz stava 1. ovog člana zbog nekog od navedenih razloga, Fond može jednostrano raskinuti Ugovor.

Član 10.

Za sve eventualne nepravilnosti i odstupanja, u vezi sa kvalitetom i količinom izvedenih radova, u toku realizacije mjera, odnosno nakon realizacije istih, kao i tokom garantnog roka za izvedene radove, odgovoran je Korisnik.

Svako naknadno povećanje troškova pri realizaciji mjera snosi Korisnik. Ukoliko ukupni opravdani troškovi budu manji od onih odobrenih prijavom, Fond će finansijski učestvovati u skladu sa procentualnim učešćem prema uslovima iz Javnog poziva i ovog Ugovora, ali ne više od maksimalno ugovorenog učešća Fonda.

III – ROKOVI

Član 11.

Rok važenja ovog Ugovora je pet (5) mjeseci od dana zaključenja Ugovora, što znači da prava i obaveze po Ugovoru prestaju nakon navedenog perioda, te će se Ugovor smatrati raskinutim ako ne bude ispunjen u navedenom roku (član 125. Zakona o obligacionim odnosima).

Rok za podnošenje Zahtjeva za isplatu sredstava iz člana 4. ovog Ugovora je najkasnije 30 dana prije isteka roka važenja Ugovora.

Nakon zaključenja Ugovora nije moguće mijenjati ugovorne odredbe kojima su regulisani rokovi i učešće Fonda u sufinansiranju, kao niti odredbe vezane uz uslove Javnog poziva.

IV - RASKID UGOVORA (PRESTANAK DEJSTVA PRAVA I OBAVEZA IZ UGOVORA)

Član 12.

Ukoliko Korisnik ne podnese Zahtjev za isplatu sredstava u skladu sa rokovima iz člana 4. ovog Ugovora smatra se da je odustao od korištenja sredstava, te odobrena sredstva neće biti isplaćena, a Fond će jednostrano raskinuti Ugovor.

Ukoliko se uvidom u dokumentaciju iz člana 4. ovog Ugovora, neposrednom provjerom ili nadzorom na licu mjesta, utvrdi da realizovane mjere ne zadovoljavaju minimalne tehničke uslove iz Javnog poziva ili mjere nisu provedene u cjelosti ili nisu provedene nakon objave Javnog poziva ili nisu provedene u skladu sa uslovima iz Javnog poziva po osnovu kojeg je podnesena prijava, troškovi neće biti priznati, niti izvršena isplata sredstava, a Fond će jednostrano raskinuti Ugovor.

Fond će jednostrano raskinuti Ugovor ukoliko se utvrdi da je korištenje sredstava na bilo koji način uzrokovalo nastajanje krivičnog djela ili nekog njegovog elementa.

Član 13.

Korisnik može jednostrano raskinuti Ugovor ukoliko Fond ne ispunjava Ugovorom preuzete obaveze uz prethodno pismeno obavještenje u kojemu će navesti tačne razloge za raskid Ugovora.

Član 14.

Na sve odnose i institute koji nisu ugovoreni, a proisteknu prilikom realizacije ovog Ugovora, primjenjivat će se odgovarajuća odredba Zakona o obligacionim odnosima.

Član 15.

Ovaj Ugovor prestaje da važi sa istekom roka važenja Ugovora navedenim u članu 11. stav 1. ovog Ugovora, a uzimajući u obzir rok iz člana 4. stav 1. Ugovora.

Član 16.

Sve eventualne sporove i nesuglasice, strane će rješavati sporazumno, ako u tome ne uspiju, ugovaraju nadležnost suda u Sarajevu.

Član 17.

Ovaj Ugovor je sačinjen u četiri (4) istovjetna primjerka od kojih svaki primjerak ima značaj originala, od kojih Fond zadržava tri (3) primjerka, a druga ugovorna strana jedan (1) primjerak.

Član 18.

Ugovor stupa na snagu danom zaključenja.

Korisnik

Fond za zaštitu okoliša Federacije BiH

(podnosilac prijave)

Slađan Bevanda, direktor

Datum: _____

Datum: _____

Broj: 01-09-2-_____